



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

Decretum Sanctæ Universalis Inquisitionis super perpetua inhabilitatione
Sacerdotum ad turpia sollicitantium, vel Sacrificio Missæ abundantium ad
fortilegia.

[urn:nbn:de:hbz:466:1-74696](#)

Dubia excita
ta super sensu
Constit. contra
solicitantates.

Constitutio
confirmatur
in omnibus.

Præfertim
quoad prohibi-
tionem ab-
solventi etiā
in artic. mor-
tis, ubi alius
Sacerdos ha-
beri possit.

Prohibito
remittitur, si
adit infamia
aut scandalis
periculum.

severitate, ut ab Ecclesiasticis quibusque Ministris sancta sancte tractentur, quantum cum Domino possumus, providere studemus; verum etiam leges ipsas, ne forte sinistris interpretationibus in alterutram extremam partem, aut immoderati rigor, aut detestabilis laxitatis, perperam detorquentur, opportune communire ac roborare, pro earundem tuendo vigore, cum occasio poposcerit, non prætermittimus.

S. 1. Sane cum Nos alias per quamdam nostram Constitutionem, cuius initium est: *Sacramentum Penitentiae*, Anno Incarnationis Domini millesimo septingentesimo quadragesimo primo, Kalendis Junii Pontificatus Nostri Anno Primo editam, omnibus & singulis Sacerdotibus tam Secularibus, quam Regularibus interdiximus, & prohibuerimus, ne aliquis eorum, extra casum extremae necessitatis, nimirus in ipsius mortis articulo, & deficiente tunc quocumque alio Sacerdote, qui Confessarii munus obire possit, Confessionem Sacramentalē personam complicitis in peccato turpi atque inhoneste, contra sextum Decalogi præceptum commisso, excipere auderet; Ita ut absolutione, si quam imperativis sit, nulla, atque irrita omnino esset, tamquam imperitia a Sacerdote, qui jurisdictione, & facultate ad valide absolendum necessaria, ipsi per Nos vigore ejusdem Constitutionis adempta, privatus existeret, & alias prout in memorata Constitutione, cuius tenorem presentibus pro plene & sufficienter expresso & inferro haberi volumus, uberior dicitur contineri. Cum Nos subinde super ea dicta Constitutionis parte, qua mortis articulum respicit, dubitaciones quasdam exortas fuisse accepimus, quorum resolutionem privato cujusque iudicio relinquendam minime existimamus, ne Lex incertis conjecturis & opinionibus jactata, in sensu a mente Nostre alienos forsitan distraheret, ejusque vigor paulatim langueat atque enervetur.

S. 2. Hinc est, quod Nos omnem dubitanditionem, quantum cum Domino possumus, de medio auferre cupientes, Motu proprio, ac exacta scientia, & maturâ deliberatione nostris, deque Apostolica potestatis plenitudine, memoratam Constitutionem nostram cum omnibus & singulis in ea contentis, tenore presentium, quatenus opus sit, confirmamus, illamque integre, penitus, & omnino, atque ab illis, ad quos spectat, & pro tempore quocumque spectabit, inviolabiliter, & inconcussè observari præcipimus, & mandamus. Præterea, habita super his cum Venerabili Fratre Nostro Vincentio Episcopo Praenestino S. R. E. Cardinali Petra nuncupato Penitentiario Nostro Majori, ac dilectis Filiis Officii Penitentiariæ Apostolicae Ministris, qui rem iussu Nostro mature penderunt, deliberatione, motu, scientia, & potestatis plenitudine paribus, edicimus ac declaramus, eadem Constitutione singulis, ut supra, Sacerdotibus, quemadmodum interdictum non est in mortis articulo personam in praedicto turpi peccato complices confidentem audire, atque ab hujusmodi quoque culpa rite contritam absolvere, deficiente tunc quocumque alio Sacerdote, qui Confessarii munus obire possit; ita interdici re ipsa & prohiberi prædicto modo tunc audire & absolvere, ut si alius aliquis Sacerdos non desuerit, etiam forte iste alius simplex tantummodo Sacerdos fuerit, five alias ad Confessiones audiendas non approbat, possit nihilominus ipse Sacerdos simplex Confessionem excipere ac absolutionem impetrari.

S. 3. Porro, si casus urgentis qualitas, & concurrentes circumstantiae, que vitari non possint, ejusmodi fuerint, ut alius Sacerdos ad audiendam constituta in dicto articulo persona confessionem vocari, aut accedere, sine gravi aliqua exortura infamia vel scandalo, nequeat;

tunc alium Sacerdotem perinde haberi, censeique posse, ac si revera abesse, atque deficeret; ac proinde in eo rerum statu, non prohiberi socio criminis Sacerdoti absolutionem penitentem ab eo quoque crimen impetrari. Sciat autem complex ejusmodi Sacerdos, & serio animadvertis, fore se re ipsa coram Deo, qui irrideri non potest, reum gravis adverbus prædictam nostram Constitutionem inobedientia, latisque in ea pœnis obnoxium, si prædictæ infamia, aut scandali pericula fibi ultrò ipsa configat, ubi non sunt: imo intelligat, teneri se graviter hujusmodi pericula, quantum in se erit, antevertere, vel removere, opportunis adhibitis mediis, unde fiat, ut alteri cuius Sacerdoti locus pateat illius confessionis, absque illius infamia vel scandalo, audiendæ. Ita enim ipsum teneri vigore memorata nostræ Constitutionis declaramus; & nunc quoque ita ipsi faciendum esse districte mandamus & præcipimus.

S. 4. Quod si idem Sacerdos aut quovis modo se nullæ gravi necessitate compulsus ingescerit, aut, ubi infamia vel scandali periculum timetur, si alterius Sacerdotis opera requirenda sit, ipse ad id periculum advertendum congrua media adhibere de industria neglexerit, atque ita persone in dicto crimine complicitis, eoque in articulo, ut præfertur, constituta sacramentalē confessionem excipere, ab eoque crimen absolutionem largiri, nullæ, sicut præmititur, necessaria causæ cogente, præsumferit; quamvis hujusmodi absolutione valida futura sit, dummodo ex parte penitentis dispositiones à Christo Domino ad Sacramenti Penitentiae valorem requirant non desuerint: Non intendimus enim pro formidando mortis articulo eidem Sacerdoti, quantumvis indigno, necessariam jurisdictionem auferre, ne hac ipsa occasione aliquis pereat: Nihilominus Sacerdos ipse violata auſu ejusmodi temerario Legis pœnas nequaquam effugiet; ac propterea latam in dicta Constitutione maiorem excommunicationem, eodemque plane modo, quo ibidem decernitur, Nobis & huic Sanctæ Sedis reservatam, incurret, prout illum eo ipso incurrire declaramus, volumus, atque statuimus. Non obstantibus omnibus & singulis illis, quia in præfata nostra Constitutione volumus non obstat, ceterisque contrariis quibuscumque.

S. 5. Volumus autem, ut earundem præsentium Literarum transumptis seu exemplis, etiam impressis, manu alicuius Notarii publici subscriptis, & sigillo persona in Ecclesiastica dignitate constituta munitis, eadem prorsus fides in iudicio & extra illud ubique locorum habeatur, quæ haberetur ipsis præsentibus, si forent exhibita, vel ostensa.

Datum Roma, apud Sanctam Mariam Majorem sub Annulo Piscatoris die VIII. Febr. MDCCXLV., Pontificatus Nostri Anno Quinto.

Quod tamen
præverti, aut
amoveri ju-
betur.

Controve-
nientes ni-
hilominus in
artic. mortis
valide abso-
lute.

Sed pœnas
& censuras in
confit. latae
incurrunt.

Præsentium
exemplis au-
toritas tri-
butur.

Dat. die 8.
Febr. 1745.

D. Cardinalis Passioenus.

Decretum Sanctæ Universalis Inquisitionis super perpetua inhabilitatione Sacerdotum ad turpia sollicitantium, vel Sacrificio Missæ abuentium ad fortilegia.

Feria V. Die 5. Augusti 1745.

In Generali Congregatione Sanctæ Romanæ, & Universalis Inquisitionis habita in Palatio Apostolico Quirinali coram Sanctissimo Domino Nostro Dominu B E N E D I C T O Divinâ Providentiâ Papa XIV., & Emis, ac Rmis DD. S. R. E. Cardinalibus adversus hereticam pravitatem Inquisitoribus Generalibus a Sancta Sede Apostolica specialiter deputatis.

Sanctis.

Sanctissimus Dominus Noster sollicitè animadvertisens, quād grave sit delictum illorum perditorum hominum, qui Sacrofancio Missa Sacrificio, ac salutaris Peccentia Sacramento, ad Animarum reparationem a Christo Domino institutis, in illarum perniciem, & damnationem abutuntur, decrevit, quod in posterum Sacerdotes tam Sacerulares, quam Regulares cuiuscumque Ordinis, Instituti, Congregationis, & Societatis etiam de necessitate exprimenda, vel in actu Sacramentalis Confessionis, sive illius occasione, aut prætextu, ad turpia Sollicitantes, vel Sacrificio Missæ abutentes ad fortilegia, præter peinas a Jure, & Apostolicis Constitutionibus, ac signanter san. mem. Sixti V., & Gregorii XV. contra eosdem infictas, perpetuam etiam inhabilitatem incurant ad praefatae Sacrificii celebrationem; Quodque ejusmodi Decretum significetur singulis cuiuscumque Ordinis Superioribus, ac Præpositis, ad hoc ut de illo, sicuti, & de prædictis, aliquis Summorum Pontificum Constitutionibus, juxta prescriptum in generali Decreto Suprema Inquisitionis diei 15. Decembris 1633. semel saltem in Anno, Feria sexta post Octavam Assumptionis Beatae Mariae Virginis in publica Mensa, vel in Capitulo ad hoc specialiter convocato, ac insuper in quocumque Generali, vel Provinciali Capitulo, vel alio quovis nomine nuncupato Capitulari Congregatu suos Subditos, ac Religiosos commonendos curent, ejusdemque commonitionis coram Supremâ Congregatione juratum Testimonium exhibeant.

Paulus Antonius Cappellonus
S. Romanae, & Universalis
Inquisitionis Notarius.

Loco ✠ Sigilli.

Die 21. Augusti 1745. supradictum Decretum affixum, & publicatum fuit ad valvas Basilicae Principis Apostolorum Palati Sancti Officii, ac aliis locis soliti, & consuetis Urbis per me Petrum Romolatum Sanctissime Inquisitionis Curorem.

Annus Census constitutus pro sartis tectis Basilicæ S. Mariae Majoris.

BENEDICTUS EPISCOPUS,

Servus Servorum Dei. Ad perpetuam rei memoriam.

Pontificis jus
& auctoritas
in bona Ec-
clesiarum, &
Loc. Pitorum.

Ipsius devo-
tio erga Ba-
sil. S. M. Maj.

AD Romanum spectat Pontificem, tamquam dispensatorem fidem atque prudentem, quem constituit Dominus super familiam suam, ita de bonis temporalibus ad Ecclesiæ & Loca Pia pertinentibus disponere, ut si que aliqui præter necessitatem exuberant, ea sublevandis alterius veris & fibi cognitis indigenitatis attribuant. Quia quidem distributiva potestate, ac provida bonorum Ecclesiasticorum dispensatione, Venerabiles Prædecessores Nostros plures, & variis in calibus, pro rerum opportunitate, utiliter usos esse dignosciunt.

S. 1. Sanè per totum vita Nostræ cursum, quem hac fere in Urbe assidue transegitus, diversis muneribus & officiis addicti, que a Decessoribus Nostris Romanis Pontificibus tenutati Nostra demandata fuerunt, Patriarchalem Liberianam Basilicam Sanctæ Mariae Majoris nuncupatam, peculiari quadam devotionis studio jugiter prosequiti sumus, non solum ex debito venerationis affectu erga Dei Genitricem, cuius titulo & nomine eadem Ecclesia, sub Liborio Romano Pontifice, patescidente Deo per

illustria signa atque prodigia suam hac de re volvata, in Exequiis extracta, ac dedicata fuit; verum etiam ob insignia Religionis monumenta, quæ in pref. ta Basilica aſservantur; cujusmodi sunt ipsius Deipara Imago veteri Fidelium cultu celeberrima, quæ a S. Luca Evangelista depicta piè creditur, & a B. Gregorio Magno sacra supplicationis ritu ad Vaticanum delata esse memoratur, quo factum sit, ut atrox pestilentia flagellum in Urbe Româ tunc sæviens continuo cesserit; Et Sacra Redemptoris Nostri Cunabula, in quibus infantilia membra Filii Dei a Virgine Matre reclinata fuerunt; quæque ex Bethlemitico specu ad eandem Liberianam Basilicam, titulo quoque Sanctæ Mariæ ad Praeſeppe ob id insignitam, septimo Christiani nominis seculo delata fuerunt; quibus de rebus in geminis Nostris Operibus de Canonizatione Sanctorum, & de Diebus Festis Beatae Mariæ Virginis dicatis, accurate pro viribus, a Nobis est actum. His accedunt insignes aliquot Sanctorum Apostolorum Reliquiae; tum etiam Corpus Magi Ecclesie Doctoris S. Hieronymi Praebyteri, cuius Patrocinio gaudet Bononiense Collegium Sacra Theologia Doctorum, quorum numero Nos olim adscripti fuimus; Item Corpus S. Pi Papæ V. Prædecessoris, & Civis Nostri, pro cuius solemi Canonizatione tantopere olim, quum Advocati Consistorialis munere fungemur, & voce & scripto adlaboravimus: Denique jucunda sepe Nobis offert recordatio B. Nicolai Albergati, itidem Civis Nostri, & Bononiae Praefulsi, olim S. R. E. Presbyteri Cardinalis Tituli S. Crucis in Hierusalem; qui in hac ipsa Basilica Archipresbyteri dignitatem quondam obtinuit; & cui Nos paucis ante Mensibus, solemi judicio, prævia laboriosa Cause discussione, cum magna animi nostri voluptate, Beatorum honores afferuimus.

Sacra monu-
menta in ea-
dem aſserva-
ta.

Item Sancto-
rum Corpora
& Reliquiae.

Basilice re-
ſtauratio a
Pontifice
peracta.

Pontificis du-
plicis, &
Ædium adi-
ficationis.

Constituen-
dus census
pro conser-
vatione Fa-
bricæ.

§. 2. Cum vero ad summum Apostolatus apicem, nullis Nostris meritis, sed inscrutabilis Dei voluntate evenit, insignem hanc Patriarchalem Basilicam in suis Ædificiis, & potissimum in anteriore Porticu, a fel. record. Gregorio Papa XIII. Prædecessore pariter & Cive Nostro vel erecta, vel restaurata, magnopere labefactata ac penè ruinofam inveniens; reluctantis licet præsentium temporum angustiis, atque notoria Æraria Nostri penuria, arduum hujusmodi restauracionis opus aggressi; Ecclesia primum Tecta, & Laquearia vetustate corrupta restitui, tum intra ipsam Ecclesiam Arcum, & Fornicem ante Sanctissimi Præsepis Sacellum, ad parem cum oppoſito Arcu altitudinem elevari, atque ita patentem Ordinis deformitatem emendari curavimus. Mox etiam novam magnifica Operis Porticum, lectissimis lapidibus atque Columnis ornatam, a fundamentis excitari mandavimus; infra primariam Basilica Frontem, marmoreo lapide, & Statuis insignem, in eam, qua nunc visitur, celstitudinem attollit; in eâque amplam superiorum Porticum aperiri jussimus; ex qua, post celebratam de mors una cum Venerabilibus Fratribus Nostris in eadem Basilica solemnitatem Assumptionis Beatissimæ Virginis, Apostolicam Benedictionem Populo impertiri, pro sacri ritus majestate, commodissime potuimus; ac denique Ædes alteri ex ejusdem Basilice lateribus adnexas, que jam pridem inceptæ, at medio in opere defertæ jaquerant, a solo extruximus, atque ad totius Ædificii normam exegimus.

§. 3. Hec omnia, Deo adjuvante, a Nobis perfecta sunt, non sine magnis sumptibus, pro quibus tamen sustinendis neque maximum quid attigimus ex pecunis Camera Apostolicae, sed iis dumtaxat usi sumus, quas pleno jure, & salvis Prædecessorum Nostrorum Constitutionibus,